

## **Grønlandsmedicinsk Selskabimit qaammatinut pingasunut kisitsisit**

### **2018-imi qaammatit pingasut siulliit:**

#### **Qaratsakkut aseruuttoornerit**

Qaratsakkut aseruuttoornerit ilungersunarput napparsimaqqajaaneq toqusoqartarneralu qaffasillutik. Qaratsakkut aseruuttoornermi qaratsap ameraasaagut aseruuttoorneq (meningitis), qaratsap iluatigut aseruuttoorneq, qaratsallu iluatigut ajorneq pineqarput.

Kalaallini aseruuttoornermik nappaateqarajunneq nalinginnaasuovoq, kisianni ilisimaneqanngilaq, tamanna aamma qaratsakkut aseruuttoornernut atuunnersoq.


Pingaaruteqarpoq aseruuttoornerit taakkua qanoq akulikitsiginersut paasissallugu, ilaatigut piffissaq ungasinnerusoq isigalugu inuit navianartorsiortut akiuussutissamik neqeroorfingineqassanersut nalilerniarlugu. Taamaattumik Kalaallit Nunaanni misissuinermik suliaqarsimavugut, Kalaallit Nunaanni Danmarkimut naleqqiullugit qaratsakkut aseruuttoornerit qanoq ittuuneri assigiinngitsut pigajunneri misissorpavut nuna tamakkerlugu nalunaarsuiffik atorlugu. Aseruuttoornerit qassiusimanersut, qanoq ittuuneri, bakteriat suut pinerannut pissutaanersut kiisalu Kalaallit Nunaanni Danmarkimilu kalaallit danskillu akornanni aseruuttoornerit assigiinngissuteqarnersut misissorpavut.

Kalaallit Nunaanni qaratsakkut aseruuttoornerit katillugit 448-t suuneri paasivavut, taakkunannga amerlanerit qaratsap ameraasaatigut qiteqqakkulluunnit aseruuttoornerupput (meningitis). Paasivarput nappaat Kalaallit Nunaanni Danmarkimiit marloriaammik annertunerusoq, nunanilu marluusuni kalaallit danskinit qaffasinnerusumik nappaammik atugaqartut. Saniatigut qaratsakkut aseruuttoorneq pissutigalugu toqusoqartarnera kalaallit akornanni qallunaanit, najugaqarfik apeqqutaatinnagu, marloriaammik annertuneruvoq. Tamanna kalaallit meerartaanni immikkut malunnarneruvoq. Kalaallit Nunaanni qaratsakkut aseruuttoornerni bakteriat (pneumokokker) immikkut pissusillit takuneqarajuttarput, akerlianilli Danmarkimi qaratsakkut aseruuttoornerni bakteriat tamalaajunerulaartarput.

Apeqquataavoq, kalaallit akornanni qaratsakkut aseruuttuukulaarnerit kingornunneqarsinnaasunut tunngasut nassuiarsinnaaneraat, imaluunniit avatangiisiniq pissuteqartumik attuumassuteqarnersoq soorlu inooriaatsip, ineqarnerup aamma inuiaqatigiit aningaasarsiorneranni pissutsit tamanna nassuiarsinnaaneraat. ilisimatuutut allaatigisaq

manna aallaavigalugu tamanna aalajangiiffigisinnaanngilarput, kisianni misissuinerit nutaat, tamatumunnga ersersitsinerusinnaasussat piareersarneqarput.

Takussutissiaq 1: Danskini kalaallinilu qaratsakkut aseruuttoornernit nappaatip ukioqatigiinnut nunamilu agguataarneri



Anne Christine Nordholm-imit, nakorsaq, [christinenordholm@gmail.com](mailto:christinenordholm@gmail.com), Afdeling for Epidemiologisk Forskning, Statens Serum Institut, Artillerivej 5, 2300 København S.

Pissarsiffik: Nordholm AC, Søborg B, Andersson M, Hoffmann S, Skinhøj P & Koch A, "A nationwide Register-Based Cohort Study of CNS infections in Greenland", PLoS One. 2017;12(2):e0171094.